

14. august 2026

UKA 2026/257

Inatsisartut malittarisassaanni § 36 malillugu matumuuna apeqquteqaat aallaavigalugu oqallisissiasamik siunnersuuteqarpunga:

Apeqquteqaat aallaavigalugu oqallisissiasatut siunnersuut, qanoq ililluta qajamik qimussimillu ilitsoqqussaralugu piniariaatsit pigiinnarneqarsinnaallutillu nukittorsarneqarnissaannik attanneqarnissaanut sinaakkutigineqartut iluini.
(Inatsisartunut ilaasortaq Pipaluk Olsen, Demokraatit)

Qajamit qimussimillu piniarneq piorsarsimassutsikkut kingornutatsinnut pingaarutillit ilagaat.

Piniarnermi periusitoqaannaanngillat. ileqqut sulit atuuttut, kinguaariit akornanni kinaassutsitsinnut, pinngortitamik paasinnittaatsitsinnut aammalu nunami immamilu inooriaatsitsinnut attuumassuteqarsimallutik. Qajaq qimusserlu inuusaasitsinnut, naammagittassusermik, avatangiisinut ataqqinninnermik ilisimasaqarnermillu, kinguaariinniit kinguaariinnut ingerlateqqinneqarsimasunik.

Demokraatit isumaqarput, inuiaqatigiittut uagut pisussaaffeqartugut taakku ilitsoqqussaraluit sulit ullumikkut piniutaasut ataqqqineqarnissaannut.

Ullumikkut qajamit qimussimillu piniarneq allanngorsimavoq. Ikinneerit periutsinik taakkuninnga atuippoq, piffippassuarnilu, ilisimasat, periutsit ilitsoqqussaralugulu periutsit tammariartoriaannanngorsimallutik. Tamanna ernummatigisariaqarparput. Imaanngittoq qanga pisut kusassarlugit, kisiannili kulturikkut kingornussagut aatsaat annassinnaammata, maannakkut inuiaqatigiinni inissaqartinneqartuarunik.

Tassungalu ilutigalugu soorunami pingaarnerpaavoq, pisuussutiniq uumasunik aqutsinerup akisussaaffeqartumik ingerlanneqarnissaa. Uumasut amerlassusaasa eqqarsaatigineri, pinngortitanut siunnersorneqarnerit aammalu siunissami kinguaarit tulliisa periarfissaat ilungersunartutut tiguneqaqqunarput. Qularineqassanngilaq, piujuartitsineq piniarnermi sumilluunniit tunngaviusumik aallaaviussammat. Kisianni tamannarpiaq pissutigalugu oqaluusereqqunarpoq, ullumikkut oqimaatigiisitsineq eqqortoq nassarisimaneripput.

Qajamiit qimussimillu piniarneq killeqakkajuttarpoq aammalu kulturikkut pingaarutillit isigineqartarluni. Taamaattumik pissusissamisoorpoq aperissalluni, piniariaatssit taakku pitsaanerumik tapersorneqarsinnaanersut piujuartitsineq qaangiinnanngikkaluarlugu. Assersuutigalugu una pineqarsinnaavoq, qanoq qajamit qimussimillu piniarneq malittarisassatigut allaffissornikkullu nassuiarneqarsinnaanersoq. Nalunaarsuinnermut, pisassiissutitut, akuersissutitut, nunap sukutsitaaniinneq aammalu piffissami sumi piniarnernut tunngasinnaapput. Aammalu, qanoq annertutigisumik inatsisitigut allaffissornikkullu immikkut ittumik aqqissuussinissanut periarfissaqarnersoq, ilitsoqqussaralugu



piniaaatsit immikkut ittut eqqarsaatigalugit.

Demokraatit aamma isumaqarput, piniartut piffinnut ilisimasaat aqutsinermi ersarinnerusumik akuutinneqartariaqartut. Inuit, sikumi, immamik nunamilu angalasartut, misilittakkanik peqarput, kisitsisaannartigut takuneqarsinnaanngitsunik. Ilisimasaq taanna uumasulerinermi siunnersuinermit akerliussanngilaq, pingaarutilittulli tapertaassalluni tamakkiisumik piffinnilu ilisimasat aallaavigalugit aqutsinermit.

Apeqput taamaattumik unaanngilaq, ilitsoqqussat aamma piujuartitsineq toqqarnissaa. Apeqquuni unaavoq, qanoq ililluta tamaasa qulakkeersinnaanerigut. Pinngortitamut ataqqinninnerput pigijuassavarput. Akisussaassusilimmik aqunneqarnissaa qulakkiissavarput. Aammali piniaaatsit, uagutsinnut inuttut ilusilersueqataasimasut illersorlugit.

Taamaattumik kissaatigaara, Inatsisartut Naalakkersuisullu apeqputinut ukununga isummernissaat:

- Qanoq ililluta qulakkeersinnaavarput, qajamit qimussimillu piniarnerup porsarsimassutsinnut akuuginnarnissaa, oqaluttuarisaanitsinnit eqqaamasassatuinnaq pinnagu?
- Maannakkut imaluunniit siunissami malittarisassat atuuttut iluanni immikkut ittunik aqqiissuussisoqarsinnaava, pisassiisoqarsinnaava imaluunniit allaffissornikkut aqqiisoqarsinnaava, ilitsoqqussaralugu piniaaatsimut killeqartumik illersuutaasussamik aammalu porsarsimassutsikkut pingaaruteqarsinnaasunik?
- Qanoq ilillutik piffinni piniartuniit, qajamik qimussimillu atuisut ilisimasaat, pisuussutitsinnut uumasunut pitsaannerusumik piniarneqarsinnaappat?
- Qanoq ililluta uumasunut siunnersuinerup piujuartitsinerullu akornanni oqimaaqatigiinneq eqqortoq pisinnaava ilitsoqqussaralugu piniaaatsit piujuannartissinnaaneranut?

Una oqaluuserineqartoq tassaavoq, ataqqinartumik suliarisarialik. Pinngortitamut tunngassuteqarpoq, porsarsimassutsikkut kingornussamit aammalu inunntut, sulii ileqqutoqqatsinnit ingerlatsitseqqiisunit.

Demokraatit isumaqarput, ammasumik naapertuilluartumillu isummernissamut sapiissuseqartariaqartugut, qanoq ililluta pitsaanerpaamik qajamit qimussimillu piniarneq ileqqutut piujuannartissinnaaneripput. Piujuartitsineq innarlerumanagu, kisiannili misissorumallugu, malittarisassat silatusaannerusumik ataqqinninnerusumillu aqqiissuunneqarsinnaanersut.

Qilanaarpunga, partiit allat aamma Naalakkersuisut oqaluuserisamut pingaarutilimmut qanoq isumaqarnersut tusassallugu, neriullungalu isummernorluatoqassasoq, qanoq ililluta ataatsimut avatangiiserput piniaaatsigullu illersorsinnaanerigut.